

**INFORMACIJA  
O PROVEDENOJ JAVNOJ RASPRAVI O NACRTU BUDŽETA OPĆINE  
STARI GRAD SARAJEVO ZA 2022. GODINU**

Općinsko Vijeće Općine Stari Grad Sarajevo je na sjednici održanoj 28.10.2021. godine razmatralo i utvrdilo Nacrt Budžeta Općine Stari Grad Sarajevo za 2022. godinu i uputilo ga u javnu raspravu. Također, Općinsko vijeće je utvrdilo da će javna rasprava trajati od 28.10.2021. godine do 27.11.2021. godine.

Zaključkom Općinskog Vijeća broj 02-45-623/21 od 28.10.2021. godine utvrđeni su i subjekti javne rasprave, a to su: Općinsko vijeće i njegova radna tijela, političke stranke odnosno klubovi vijećnika, nadležna radna tijela Općinskog vijeća, savjeti MZ-a, građani i udruženja građana sa područja Općine Stari Grad Sarajevo.

Ponuđeni Nacrt Budžeta objavljen je na web stranici Općine Stari Grad Sarajevo i dostavljen je svim mjesnim zajednicama. Svi subjekti javne rasprave su imali priliku da se u navedenom roku upoznaju i pismeno očituju, odnosno upute svoje prijedloge, mišljenja i sugestije na ponuđeni Nacrt budžeta.

Cilj javne rasprave je prvenstveno upoznavanje najšire javnosti sa planiranim aktivnostima i projektima Općine, odnosno da se uključivanjem što većeg broja subjekata doprinese izradi transparentnijeg i kvalitetnijeg Budžeta koji bi u najvećoj mjeri predstavljao koncenzus između potrebnog i realno mogućeg. Prioritetni cilj je da se planirana javna sredstva, a u skladu sa utvrđenim nadležnostima Općine transparentno, ekonomično i na optimalan način rasporede na one projekte i programe kojima će se doprinijeti stvaranju kvalitetnijih uslova života i rada svih njenih građana.

Činjenica je da su objekti komunalne infasrukture na području naše Općine u lošem stanju, te da svojim kapacitetom i funkcionalnošću ne zadovoljavaju potrebe stanovništva. Općina konstantno, iz godine u godinu ulaže značajna sredstva u izgradnju, rekonstrukciju i održavanje ovih objekata, ali to nije dovoljno.

Za rješavanje svih zahtjeva neophodna su ogromna finansijska sredstva koje Općina ne može obezbijediti u kratkom vremenskom roku. Imajući u vidu činjenicu da realni prihodi Općine stagniraju, kao i činjenicu da većina komunalnih usluga ima identičnu ili pak nešto veću cijenu što se odražava na rast rashoda tekućeg održavanja, stručnih i svih drugih usluga, kao i značajno smanjenje podrške viših nivoa vlasti, jasno je da će ovaj proces teći duži niz godina.

Imajući u vidu iskazane potrebe građana, utvrđene nadležnosti Općine, plan i program općinskog Načelnika i realne mogućnosti ostvarenja planiranih prihoda pripremljen je Prijedlog budžeta kojim su predstavljeni programi, aktivnosti i ciljne grupe na koje će se rasporediti javna sredstva koja planiramo ostvariti tokom 2022. godine.

Smatramo da je ponuđenim Prijedlogom budžeta za 2022. godinu dat prihvatljiv kompromis između zakonom utvrđenih nadležnosti Općine, prioriternih potreba okruženja i njene objektivne finansijske mogućnosti.

U predviđenom roku trajanja javne rasprave pristigao je značajan broj zahtjeva i najvećim dijelom zahtjevi su se odnosili na oblast komunalne infrastrukture kao i na

oblast podrške radu NVO organizacija i njihovih projekata. Izvjestan broj zahtjeva prevazilazi i trenutne nadležnosti Općine.

Ponovo naglašavamo činjenicu da su i projekti komunalne infrastrukture, dati u Nacrtu bužeta planirani upravo na osnovu zahtjeva koje su dostavili savjeti MZ-a, kao predstavnici građana općinskim službama u toku pripreme Nacrta budžeta.

Imajući u vidu stvarni finansijski kapacitet Općine, uključen je određen broj novih zahtjeva što je zahtijevalo preraspodjelu sredstava iz Nacrta budžeta.

Ostali zahtjevi će se rješavati postupno u godinama koje slijede.

Određen broj zahtjeva je već na određen način uključen u redovne aktivnosti i nadležnosti pojedinih službi i sektora i rješavat će se tokom godine u skladu sa realnim i zakonskim mogućnostima.

Kad su u pitanju zahtjevi za povećanje određenih grantova neprofitnim organizacijama smatramo da su planirani iznosi u skladu sa našim trenutnim mogućnostima i da bi svako novo povećanje išlo na uštrb kapitanih investicija.

U tabeli u prilogu dat ćemo pregled pristiglih i razmatranih zahtjeva tokom trajanja javne rasprave.

<b>Podnosilac zahtjeva</b>	<b>Opis zahtjeva</b>	<b>Komentar</b>
Stanovnici MZ Moščanica-naselje Borija	Proširenje puta od naselja Obhodža do Borija, izgradnja podzida na dijelu ulice, sanacija ulice, redovno zimsko održavanje, dogradnja javne rasvjete, izgradnja vodovodne mreže.	U Prijedlog budžeta je uključeno proširenje puta od naselja Obhodža do Borija, dok je redovno zimsko održavanje ulica uključeno kroz subvenciju KJKP „Rad“ d.o.o. Sarajevo u iznosu od 200.000,00 KM.
Saliha Jakupović	Izgradnja podzida u ulici Baruthana broj 93.	Navedni projekat uključen u Prijedlog budžeta.
Enes Jusović	Sanacija krova i fasade u ulici Konak broj 5.	Sanacija fasada nije u nadležnosti Općine već nosioca stanarskog prava, upravitelja na objektima i Ministarstva komunalne privrede, infrastrukture, prostornog uređenja, građenja i zaštite okoliša.
Divjan Šemsudin	Izgradnja potpornog zida u ulici Pogledine broj 9.	Navedni projekat uključen u Prijedlog budžeta.
Šahovski klub "Stari Grad" Sarajevo	Grant za redovne aktivnosti.	Nije uključeno u Prijedlog budžeta kao posebna stavka. Udruženje može aplicirati na dodjelu sredstava po javnom pozivu za koji su planirana ukupna sredstva od 80.000,00 KM.

Dženana Pazalja	Asfaltiranje dijela puta u naselju Donje Biosko.	Zahtjev nije uključen u Prijedlog budžeta obzirom na ograničena sredstva koja su namijenjena za sanaciju saobraćajnica.
Adna Turulja	Asfaltiranje ulice Žagrići.	Zahtjev za asfaltiranjem ulice Žagrići je uključen u Prijedlog budžeta.
Amina Mulić	Rasvjeta u ulici Hambina Carina.	U Prijedlogu budžeta je planirano 30.000,00 KM za sanaciju javne rasvjete, a u toku 2022. godine će se na prijedlog nadležne službe i stanjem na terenu rješavati pitanja javne rasvjete.
Selvedin Drakovac	Asfaltiranje ulice Ablakovina, popravak ulične rasvjete, rješavanje problema koje uzrokuje potok u ulici u kišnim danima, unapređenje gradskog prevoza, veći angažman zimske službe.	Zahtjev za asfaltiranje ulice nije uključen u Prijedlog budžeta zbog ograničenih sredstava koja su namijenjena za sanaciju saobraćajnica, a delegirane su ukupno 34 saobraćajnice, odnosno dijelovi saobraćajnica koje će biti predmetom radova sanacije. U Prijedlogu budžeta je planirano 30.000,00 KM za sanaciju javne rasvjete, a u toku 2022. godine će se sistemski rješavati problemi. Zahtjev vezan za gradski prevoz nije u nadležnosti Općine. Za zimsko održavanje u Prijedlogu budžeta planirana su sredstva u ukupnom iznosu od 200.000,00 KM.
Anes Kurtanović-vijećnik OV Stari Grad	Asfaltiranje, potporni zid i rokohvat u ulici Abadžin put od broja 2 do broja 14.	U prijedlog budžeta je uključena izgradnja potpornog zida.
Amina Mešić	Sanacija vanjskog dijela zgrade (fasade) u ulici Safvet-beg Bašagić broj 4.	Sanacija fasada nije u nadležnosti Općine već nosioca stanarskog prava, upravitelja na objektima i „Ministarstva komunalne privrede, infrastrukture, prostornog uređenja, građenja i zaštite okoliša KS“.
Ismet Šabanagić	Izgradnja ivičnjaka u ulici Mejlijina broj 16.	Zahtjev je uključen u Prijedlog budžeta.
SDA Stari Grad	Izgradnja kućica za presvlačenje beba na izletištu Barice-Čavljak i Dariva.	Izletišta Barice - Čavljak su u nadležnosti JP „Sarajevo-šuma“ d.o.o., pa samim tim i mogućnost izgradnje kućica za presvlačenje beba.

		U toku toku 2022. godine Općina će realizovati projekat izgradnje pomoćnog objekta na šetalištu Dariva sa poslovnim prostorom i mokrim čvorom, a ovaj objekat će sadržavati i kabinu za presvlačenje beba.
	Kupovina školskih ruksaka i knjiga za prvačiće.	Pokloni za prvačiće su planirani u Prijedlogu budžeta u iznosu od 20.000,00 KM.
	Grant FK „Moščanica“ u iznosu od 10.000,00 KM.	Grant FK „Moščanica“ je uključen u Prijedlog budžeta.
	Dozvola za izgradnju abdesthane u džamiji Kjose Sinana.	Dozvola za izgradnju abdesthane u džamiji Kjose Sinana je u proceduri, ali izvođač radova shodno mišljenju „Kantonalnog zavoda za zaštitu kulturno-historijskog i prirodnog naslijeđa Sarajevo“ mora izvršiti korekcije projekta (informacija prosljeđena podnosiocu zahtjeva). Po upotpuni dokumentacije nadležna služba će izdati potrebne dozvole.
	Nabavka razglasa u džamiji Ulomljenica.	Ovaj projekat nije direktno uključen u Prijedlog budžeta
	Povećanje granta KUD Bašćaršija.	Grant KUD „Bašćaršija“ je planiran u iznosu 6.000,00 KM.
Vijeće mladih Općine Stari Grad Sarajevo	Povećanje iznosa granta.	Zahtjev nije uključen. U Prijedlogu budžeta su planirana sredstva u iznosu od 5.000,00 KM.
Husein Holjan-vijećnik OV Stari Grad	Rekonstrukcija igrališta u ulici Komatin.	Rekonstrukcija igrališta u ulici Komatin nije moguća iz razloga jer se igralište nalazi u vodozaštitnoj zoni i nije moguće dobiti potrebnu saglasnost o KJKP „Vodovod i kanalizacija“ d.o.o. Sarajevo.
	Sanacija stepeništa u ulici Bostarići do broja 9.	Sanacija stepeništa u ulici Bostarići do broja 9 je uključena u Prijedlog budžeta.
	Asfaltiranje ulice Bistrik od br. 78-98.	Asfaltiranje ulice Bsitrik od broja 78-98 je uključeno u Prijedlog budžeta.

	Sanacija potpornog zida u ulici Boguševac do broja 2.	Sanacija potpornog zida u ulici Boguševac do broja 2 je uključena u Prijedlog budžeta.
	Zamjena kanalizacione cijevi i asfaltiranje ulice Toka kod ambulante i asfaltiranje ulice Pastrma cca. 50m.	Zamjena kanalizacione cijevi, asfaltiranje ulice Toka kod ambulante i asfaltiranje dijela ulice Pastrma, cca. 50m je uključeno u Prijedlog budžeta.
	Dogradnja javne rasvjete, ugradnja četiri sferna ogledala, uklanjanje ruševnog objekta u ulici Džeka broj 14.	Navedeni projekti nisu direktno uključeni u Prijedlog budžeta, ali se kroz već planirane pozicije mogu realizirati u toku 2022. godine.
Aganović Hamida	Asfaltiranje ulice Nova Baruthana od broja 14-24.	Zahtjev je uključen u Prijedlog budžeta.
JP "Olimpijski bazen Otoka" d.o.o. Sarajevo	Za realizaciju projekta škole plivanja.	Zahtjev je uključen u Prijedlog budžeta, a planirana sredstva iznose 10.000,00 KM.
Općina Bužim	Tekući grant za uspostavljanje Muzeja 505. Viteške brigade.	Zahtjev je uključen u Prijedlog budžeta sa iznosom od 10.000,00 KM.
Udruženje Pravda	Za film "Zmaj od Bosne".	Zahtjev je uključen u Prijedlog budžeta.
FK „Moščanica“	Finansiranje aktivnosti udruženja.	Zahtjev je uključen u Prijedlog budžeta sa iznosom od 10.000,00 KM.
Narod i pravda	Povećanje granta za porodilje	Shodno raspoloživim prihodima zadžan je planirani iznos za porodilje iz Nacrta budžeta.
	Povećanje granta za institucije nauke i kulture.	Navedeni prijedlog nije uključen, a Općina Stari Grad Sarajevo kroz druge pozicije Budžeta redovno potpomaže projekte iz oblasti kulture i nauke.
	Uključivanje grantova za: "VKBI", "SGV" I "HV".	U Prijedlogu budžeta uključen je iznos od 10.000,00 KM po zahtjevu „Vijeća Kongresa bošnjačkih intelektualaca“. Po pojedinačnim zahtjevima i predočenim projektima u toku 2022. godine sa već postojećih

		pozicija Budžeta mogu se izdvojiti sredstva za projekte „SGV“ i „HV“.
	Izgradnja dječijeg igrališta sa basket igralištem	Općina Stari Grad u ranijim budžetskim godinama izgradila je i pustila u funkciju određeni broj igrališta, a u 2022. godini planirana je realizacija izgradnje dječijeg igrališta uz sportski teren Bijela Bašča na kojem su postavljena dva koša za basket.
	Povećanje granta za UVD “Vratnik”.	Navedni prijedlog nije uključen u Prijedlog budžeta, to jeste zadžan je iznos grant sredstava i Nacrta budžeta.
	Povećanje pozicije “sufinansiranja izdavanja naučnih, stručnih i književnih djela”.	U prijedlogu budžeta zadržan iznos planiranih sredstava iz Nacrta budžeta.
	Povećanje pozicije “prevoz učenika osnovnih škola”.	Naveden pozicija nije mijenjana u odnosu na Nacrt budžeta. Prijedlog na uvođenje vanlinijskog prevoza za učenike OŠ „Edhem Mulabdić“ je dobio negativan odgovor od „Ministastva saobraćaja KS“.
	Asfaltiranje ulice Žagrići	Prijedlogom budžeta obuhvaćeno je asfaltiranje ulice Žagrići.
	Sanacija stepeništa, potpornog zida ispred zgrade u ulici Dženetića čikma.	Navedni projekat uključen u Prijedlog budžeta u dijelu koji se odnosi na stepenište i plato u ulici Dženetića čikma broj 14.
	Projekti: “Pozorište na kućnoj adresi”, sufinasiranje institucija nauke i kulture, neformalno obrazovanje mladih i slično.	Svi drugi zahtjevi koji se tiču dodjele grant sredstava pojedincima ili udruženjima nisu direktno uključeni u Prijedlog budžeta obzirom da postoje već planirane pozicije na koje mogu aplicirati pojedinci, neprofitne organizacije za dodjelu sredstava u sklopu javnih poziva, a na osnovu projekata.
Udruženje za djecu i mlade „IUVENTUS“	Stipendije za djecu i mlade iz alternativne brige.	Zahtjev nije uključen u Prijedlog budžeta u kojem je planirano 200.000,00 KM za stipendije učenicima i studentima boračke populacije 110.000,00 KM za stipendije nadarenim učenicima i studentima i 6.000,00 KM za

		stipendije učenicima starih zanata.
Savjet MZ Hrid-Jarčedoli	Rekonstrukcija kaldrme u ulici Kačanik veliki od broja 8-14, izgradnja potpornog zida u ulici Jarčedoli kod broja 53.	Zahtjevi su uključeni u Prijedlog budžeta.
Stanovnici ulice Dolovi, MZ Hrid-Jarčedoli	Asfaltiranje ulice Dolovi.	Zahtjev nije uključen u Prijedlog budžeta zbog ograničenih sredstava koja su namijenjena za sanaciju saobraćajnica, a delegirane su ukupno 34 saobraćajnice, odnosno dijelovi saobraćajnica koje će biti predmetom radova sanacije.
„Vijeće Kongresa bošnjačkih intelektualaca“	Finansiranje aktivnosti i manifestacija u toku 2022. godine.	U Prijedlog budžeta uključena je pozicija grant sredstava u iznosu od 10.000,00 KM „Vijeću Kongresa bošnjačkih intelektualaca“.

**Stručna obrada:**  
Služba za finansije